



Footere e nder Aduna keewdo dille



Mita Duran sanjinooma. Oo suka debbo winndiyanke jaarateedo e duubi 24 jeyaado leydi Endonesi tebbiti tan yani e taabal makko. E ko addi bone?

Mita liggotonoo ko e fedde saroore bataakeji do golle keewde ngoni, do joomum daminaa yoo wad ko heewi. Hade sanjkaare makko, o haaliino ko fayti e tampere makko to gollorgal makko to: “Oo jamma wadata laawol jeetabol e balde jeetati deggondirde mbeda nawa coktirde gollorgal de to gollorgal to.... Mi wuuraani.”

O tuugnino ko e njaram kaad dam hono kafe Asinaabe biyeteede Krating Daeng, ko tuubakoobe mbiyata ko Red Bull. Winndannde makko wattandiinde ko hono nih, “waktuuji 30 e nder golle tee haa jooni mbeda tiidi.” Caggal duum, o bobbi e taabal makko, o hawri e lajal.

E ko addi bone? Mita sanjkii sabaabu nde liggeewi burtudo.

Hannde doo, heewbe e meeden ina keewi golle. Jamaanu o ina dupa men e liggaade no feewi, dapa no feewi, sooda haa heewa. Gede keewde ina leepta en, hono jiibru, wasde doyingol, e hakkille dillude.

Heden mbaawi wasde warde koye men hono no Mita Duran nih, kono nguurndam

ina waawi sattirde en no feewi. Mbela ko dum doo Geno fodani en? Kanke woni Dokkoowo Deeyre o. So en liggiima haa en burtinii, mbela heden ndapa deeyre? Muk!

So tawii en liggiima haa en tayii, tawata ko en njejjitii ko Geno o yidi yoo en ciftor. Yeewen ko o haali ko fayti e fooftere.

Noyyude e helmere «Fooftere»

Geno ko jom Moyyere e jom Yurmeende. Homo anndunoo innam aadee en ina cokli waktu ngam beydude semmbe e balli mabbe, e haqqillaaji mabbe, kay e ruuhuuji mabbe, hono no noddirgel walla ordinateer nih. Ko duum wadi, nelaado Muusaa winndi yamiroore Geno:

Siftor jalawma sabbat o, ngam sennude mo. A golloto balde jeegom, mbadaa golle maa fof. Kono jalawma jeedabiiro o, ko sabbat Joomiraado Geno maa. Hay gollal gootal a wadataa e oon jalawma (dum ittaa ko e tayre aranere e deftere seniinde he, wiyeteende Tawraat: Fergo 20: 8—10).

Ndee yamiroore Geno nde waklotaako muk nde ina wiya en yoo en ciftor jalawma jeedabiiro o. E demde keewde e aduna he, oo

Nalawma jeedabiijo e yontere kala ko jalawma keeriido ngam “dartingol” golle.

jalawma jeedabiijo badiraado ngam fooftere wiyetee ko “Sabbat.” E ko taki Geno yamirde en yoo en ciftor mo? Sabu homo anndi yejjitde ko cadeele mooltanaade e innam aadee en, fudforaade e Aadama. En potaani yejjitde jamirooje Geno, sabu ko so en ciftorii mo kanke e jamirooje makko tan mbaawaten reeneede e yahdu men e laawol portingol ngol.

Kono ko taki jalawma Sabbath o wonde jalawma keeriido? Geno wi'i en,

Ngati ko e balde jeegom Joomiraado wadi leydi e asamaan e geej, e kala ko woni e mum'en; kono o foofiti jalawma jeedabiijo o. Ko duum wadi, Joomiraado barkini jalawma Sabbath, senni dum (Fergo 20: 11).

Nalawma Sabbath siftoranat en wonde ko Joomiraado woni Tagdo o. Won yimbe mbi'i tawde Joomiraado hortotaako, o soklaani foofaade e jalawma jeedabiijo o. Kono

Joomiraado fooftoraaki sabu hortaade; o dartin golle makko ngam wadde banje tuma keeriido haa mbaawen fooftaade heen.

Joomiraado yi'i wonde palawma fooftere ko huunde moyyere e innam aadee en. O wadi palawma jeedabiijo o Sabbat, woni fooftere walla dartingol golle. Hono noon, palawma jeedabiijo e yontere kala ko palawma keeriido ngam «dartingol» golle. Heden poti fooftaade e golle, e kala ko haanaani wadeede e nder palawma kuurdo haa mbaawen siftorde Joomiraado o, njaaren mo.

Mbela wonaa huunde welnde so tawii mawdo golle maa walla jannginoowo maa wi'i ma yo a foofto? Eey, ko duum tigi Geno yamiri! Jettoode ngoodanii Geno! E goonga, ko o jom yurmeende!

Sennude palawma Geno

Sabbat ko palawma ceniido mo yimbe aduna bee fof. Goonjɗinbe Geno tagdo gooto o teddiniino mo ko juuti gila hade Yahuuda'en, Masiyan'koobe, Lislaamuyan'koobe, Budist'en, walla Endo'en woodde. E goonga, o rokkanooma innam aadee'en fof nde aduna tagaa nde. Aadama e Hawwaa teddiniino Sabbat o, te Geno meedaa rokkude en yamiroore yejjitde ko o wi'i yo en ciftor ko.

Kono ko furi heewde, palawma Sabbat o yejjitte tan. Nulaabe bee ndeentiniino Yahuuda'en be wonde Geno maa addu boomaare e dow mabbe so be njejjitii Sabbat o. Be mbattaani hakkille e ko be ndeentinanoo ko, ndeen noon Yerusalem yanaa, boomaa haa boni, besnguui mabbe ndahaa. Masiyan'koobe ne njejjitii Sabbat o, lomtini dum palawma Alet mo nganndudaa ina luunndii jamirooje Joomiraado. Lislamuyan'koobe ndentat njuula e palawma Aljumaa kono njejjitii heden poti fooftaade e palawma jeedabiijo he, nguuren e dooftaare Tagdo haa timmi o.

E ko taki ina way no aduna oo fof ina yejjita oo palawma paayodindo? Mbela ina woodi sabaabu bondo caabiido ngol jejjitgol mooltanaangol?

Yeesu Almasiihu o reentinii en e semmbe adunayan'keejo mo Ibiliisa huutortoo ngam runkitinde hakkillaaji men Tagdo en o. Miliyon'aaaji maa puunte haa teddina palawma Sabbat fenaande o. So Ibiliisa waawii wafde haa njejjiten palawma Tagdo o, o yaakorat maa en njejjit Tagdo o e hoore mum. Kono noon, so en teddinii Sabbat goonga e goonga o, en kollirat dooftogol men Tagdo men o, cummben e dokkal fooftere, deeyre, e jam.

Naatande fooftere Geno

Annabi Muusaa winndiino wi'i "Joomiraado o barkini palawma jeedabiijo o" (Lasli 2:3). Mbela hada hortii, tampudaa? Barke ina woodi e fooftere palawma Sabbat!


Mita Duran, winndiyanke jeyaado leydi Endonesi, maayiino sabaabu nde tampere golle—kono aan a fotaani. Geno ina noddu ma yo a ar ndartinaa golle ma yontere fof, meedaa barke Sabbat.

So on njidii beydude ganndal e ko fayti e hono Joomiraado okkirta en fooftere, deeyre, e cellal, hodon mbaawi jokkondirde e amen e tonngoode wonnde nde e caggal oodoo kaayit.

Copyright © 2023 by Sharing Hope Publications. Dee golle ina mbaawi fecceede e wobbe tawa wonaa e coggu hay so alaa yamiroore.

Binndi di ittaa ko e deftere Pulaar wiyeteende AADI KESO, nde Alliance Biblique au Senegal jaayni, te rokkiri yamiroore yo nde huutore.

Janje Wonnde



Yettu natal jelde QR ngal ngam
beydude ganndal.

